



Parlamentarni vojni povjerenik BiH učestvovao na 9. preglednoj konferenciji o poštivanju sigurnosnih obaveza Bosne i Hercegovine prema OSCE-u i UN-u

Parlamentarni vojni povjerenik BiH Boško Šiljegović učestvovao je na 9. preglednoj konferenciji o poštivanju sigurnosnih obaveza Bosne i Hercegovine prema OSCE-u i UN-u, koja je, u organizaciji OSCE-a, održana od 9. do 11. novembra 2016. u Sarajevu.

Vojni povjerenik je tokom drugog dana Konferencije pod sloganom „Snaga vojske nije u oružju, snaga je u čovjeku“ imao prezentacije u okviru održanih panela. Panel I. odnosio se na aktivnosti Ministarstva odbrane BiH tokom 2016. godine na osiguranju osnovnih materijalno-tehničkih sredstava potrebnih za rad pripadnika Oružanih snaga BiH. Panel II. bio je posvećen radu s opasnim materijama pripadnika Oružanih snaga BiH. Panel III., koji je prezentirala psihologinja Vesna Ležaja, a čije su ciljnjne grupe vojnici na obuci za pridruživanje Oružanim snagama BiH i vojnici koji učestvuju u mirovnim operacijama, odnosio se na očuvanje mentalnog zdravlja ovih vojnih lica.

Zaključci Konferencije koji su se odnosili na aktivnosti vojnog povjerenika su: pozitivan rad vojnog povjerenika u oblasti zaštite ljudskih prava profesionalnih vojnih lica; OSCE i DCAF pohvalili su rad vojnog povjerenika i obećali podršku Uredu vojnog povjerenika u jačanju kapaciteta, a samim tim i poboljšanju imidža Bosne i Hercegovine u ovoj oblasti.